

AKASHVANI(AIR)
RNU:KOLKATA
BengaliText Bulletin

Date 11-12-2025

Time: 1.30 P.M.

বিশেষ বিশেষ খবর –

১) ইউনেস্কোর অমূল্য সাংস্কৃতিক ঐতিহ্যের তালিকায় দীপাবলি উৎসবকে অন্তর্ভুক্ত করার সিদ্ধান্তকে রাজ্যসভা স্বাগত জানিয়েছে।

সংসদের উচ্চ কক্ষে আজও বন্দেমাতরমের সার্বশতবর্ষ উপলক্ষে আলোচনা চলছে।

২) কেন্দ্রীয় স্বরাষ্ট্রমন্ত্রী অমিত শাহ বলেছেন, বিরোধীরা নিজেদের ভোট ব্যাংক সুরক্ষিত রাখতে অবৈধ অনুপ্রবেশকারীদের আশ্রয় দিচ্ছে। # লোকসভায় নির্বাচনী সংস্কার নিয়ে স্বরাষ্ট্রমন্ত্রীর বক্তব্যের প্রশংসা করেছেন প্রধানমন্ত্রী নরেন্দ্র মোদী।

৩) ভোটের তালিকায় বিশেষ নিবিড় সংশোধন- SIR-এর এনুয়ারেশন পর্ব আজ শেষ হচ্ছে।

৪) রাষ্ট্রপতি দ্রৌপদী মুর্মু আজ দু-দিনের মণিপুর সফরে যাচ্ছেন।

৫) প্রাক্তন রাষ্ট্রপতি প্রণব মুখোপাধ্যায়ের জন্মজয়ন্তীতে সারা দেশ তাকে গভীর শ্রদ্ধার সঙ্গে স্মরণ করছে।

৬। T-20 ক্রিকেট সিরিজের দ্বিতীয় ম্যাচে ভারত আজ নিউ চণ্ডীগড়ে দক্ষিণ আফ্রিকার মুখোমুখি হবে।

oooooooooooooooooooooooooooo

ইউনেস্কোর ইন্ট্যানজেল কালচারাল হেরিটেজ বা অমূল্য সাংস্কৃতিক ঐতিহ্যে তালিকায় দীপাবলি উৎসবকে অন্তর্ভুক্ত করার সিদ্ধান্তকে রাজ্যসভা স্বাগত জানিয়েছে। চেয়ারম্যান সি পি রাধাকৃষ্ণণ বলেছেন, এই মুহূর্ত এক জাতীয় গর্বের স্বরূপ। দীপাবলি শুধুমাত্র উৎসব নয়, অন্ধকারকে দূরে সরিয়ে আলোর এবং অজ্ঞতাকে দূর করে জ্ঞানের উৎসব।

(বাইট রাধাকৃষ্ণণ)

জাতীয় স্তোত্র ‘বন্দে মাতরম’-এর ১৫০তম বার্ষিকী উপলক্ষে রাজ্যসভায় আজ ও আলোচনা চলছে। সভার নেতা ও কেন্দ্রীয় মন্ত্রী জগত প্রকাশ নাড্ডার ভাষণের মধ্যে দিয়ে এই নিয়ে ২ দিন ধরে চলা আলোচনার পরিসমাপ্তি হবে।

উল্লেখ্য, গত মঙ্গলবার রাজ্যসভায় এই নিয়ে আলোচনার সূত্রপাত করেন কেন্দ্রীয় স্বরাষ্ট্রমন্ত্রী অমিত শাহ।

এতে অংশ নিয়ে কংগ্রেস নেতা জয়রাম রমেশ অভিযোগ করেন, এই আলোচনা আসলে প্রাক্তন প্রধানমন্ত্রী জওহরলাল নেহরুকে অসম্মান করার উদ্দেশ্যেই। কংগ্রেসের প্রতিটি অধিবেশনে বন্দে মাতরম গাওয়া হতো বলেও তিনি উল্লেখ করেন। সিপিআই নেতা সন্দোষ কুমার বলেন, বন্দে মাতরম ভগত সিং, চন্দ্রশেখর আজাদ, খুদিরাম বসুর মতো হাজারো স্বাধীনতা সংগ্রামী ও নেতাদের অনুপ্রেরণা ছিল।

বিজেডি নেতা দেবানীষ সামন্তরায় বলেন, বন্দে মাতরম ছিল ভারতের স্বাধীনতার কণ্ঠস্বর।

বিজেপি নেতা রামচন্দ্র জাংড়া বলেছেন, বন্দে মাতরম গোটা ভারতের অনুপ্রেরণার উৎস।

আপ নেত্রী স্বাতি মালিওয়াল বলেছেন, বন্দে মাতরম শুধু গান নয়, এটি এমন এক অনুপ্রেরণার উৎস যা স্বাধীনতা সংগ্রামের সময় দেশবাসীকে ব্রিটিশদের বিরুদ্ধে লড়াইয়ে শক্তি জুগিয়েছিল।

বন্দে মাতরম নিয়ে আলোচনা শেষে রাজ্যসভায় আজ নির্বাচনী সংস্কার নিয়ে আলোচনা শুরু হবে।

○○

কেন্দ্রীয় সড়ক পরিবহণ মন্ত্রী নীতিন গড়কড়ি বলেছেন, পেট্রোলের সঙ্গে কুড়ি শতাংশ হারে ইথানল মেশানোর ফলে দেশে কার্বন ডাই অক্সাইড উদ্দীর্ণ ৭৩৬ লক্ষ টন কমানো সম্ভব হয়েছে। আজ লোকসভায় শ্রী গড়কড়ি বলেন, ইথানল একটি পরিবেশ বান্ধব জ্বালানী এবং এটি উৎপাদনের ফলে কৃষকদের আয়ও বৃদ্ধি পেয়েছে।

○○

ভোটার তালিকায় বিশেষ নিবিড় সংশোধন- SIR-এর এনুমারেশন পর্ব আজ শেষ হচ্ছে। ১২ থেকে ১৫ই ডিসেম্বর এই চার দিন তথ্য পুনর্যাচাই-এর কাজ চলবে। খসড়া ভোটার তালিকা প্রকাশিত হবে ১৬ই ডিসেম্বর।

এদিকে, দেশজুড়ে যে ১২টি রাজ্য ও কেন্দ্রশাসিত অঞ্চলে এসআইআর প্রক্রিয়া চলছে, সেখানে প্রতিটি বুথের মৃত, স্থানান্তরিত ও অনুপস্থিত ভোটারদের তালিকা রাজনৈতিক দলগুলির বুথ লেভেল এজেন্টদের সঙ্গে ভাগ করে নিতে মুখ্য নির্বাচনী আধিকারিকদের নির্দেশ দিয়েছে নির্বাচন কমিশন। বিহারে এসআইআর চলাকালীন যে পদ্ধতি অনুসরণ করা হয়েছিল, একই মডেল এবার অন্য রাজ্যেও কার্যকর করার সিদ্ধান্ত নিয়েছে কমিশন। এক বিবৃতিতে জানানো হয়েছে, বুথ স্তরে যেসব ভোটারকে ‘অ্যাবসেন্ট’, ‘শিফটেড’, ‘ডেড’ অথবা ‘ডুপ্লিকেট’ হিসেবে চিহ্নিত করা হয়েছে এবং যাঁদের কাছে বারবার গিয়েও বুথ লেভেল আধিকারিকরা পৌঁছতে পারেননি, সেই সমস্ত ভোটারের তথ্য খসড়া ভোটার তালিকা প্রকাশের আগেই রাজনৈতিক দলগুলির মনোনীত এজেন্টদের হাতে তুলে দিতে হবে। ভোটার তালিকার বিশেষ নিবিড় সংশোধনী প্রক্রিয়ার স্বচ্ছতা আরও বাড়াতে এবং কোনও যোগ্য ভোটার যাতে ভুলবশত তালিকা বাদ না পড়েন তা নিশ্চিত করতেই এই পদক্ষেপ।

○○○○○○○○○○○○○○○○○○○○○○○○○○○○○○○○○○○○○○

রাষ্ট্রপতি দ্রৌপদী মুর্মু আজ দুদিনের মণিপুর সফরে যাচ্ছেন সেখানে তাঁকে প্রথাগত গার্ড অফ অনার দেওয়া হবে। সে রাজ্যের ক্রীড়া সংস্কৃতিকে তুলে ধরতে ঐতিহাসিক মাপাল কাংজেইবুং-এ একটি প্রদর্শনী পোলো ম্যাচে তিনি উপস্থিত থাকবেন। সন্ধ্যায়, ইম্ফলের সিটি কনভেনশন সেন্টারে তিনি একটি ভোজসভায় অংশ নেবেন। বিভিন্ন উন্নয়নমূলক প্রকল্পের উদ্বোধন ও ভিত্তিপ্রস্তরও স্থাপন করার কথা তাঁর।

আগামীকাল ইফলের নুপে লাল স্মৃতিসৌধে, মণিপুরের বীর মহিলা যোদ্ধাদের সম্মান প্রদর্শন করবেন রাষ্ট্রপতি। এরপর তিনি সেনাপাতি জেলায় একটি জনসভায় ভাষণ দেবেন। সেখানে বেশ কিছু উন্নয়নমূলক প্রকল্পের উদ্বোধন ও শিলান্যাসও করবেন তিনি।

○○

এশীয় উন্নয়ন ব্যাংক (এডিবি), ২০২৫-২৬ আর্থিক বছরে ভারতের অর্থনৈতিক বিকাশের পূর্বাভাস বাড়িয়ে ৭.২ শতাংশ করেছে। এর আগে এই পূর্বাভাস ছিল ৬.৫ শতাংশ।

জুলাই- থেকে সেপ্টেম্বর এই ত্রৈমাসিকে , মজবুত বৃদ্ধির হার এবং আগামী অর্থবছরে সম্ভাবনার দিকটি বিবেচনা করেই বৃদ্ধির এই পূর্বাভাস।

স্বরাষ্ট্রমন্ত্রী অমিত শাহও প্রাক্তন রাষ্ট্রপতির জন্মজয়ন্তীতে তার প্রতি শ্রদ্ধা জানিয়ে বলেছেন, তার সংবিধান বিষয়ে অভিজ্ঞতা এবং জনজীবনে অসাধারণ অবদান অনুপ্রেরণা যোগাবে। কংগ্রেসের পক্ষ থেকেও প্রাক্তন রাষ্ট্রপতি প্রণব মুখোপাধ্যায়ের জন্মজয়ন্তীতে তাঁর প্রতি শ্রদ্ধা নিবেদন করেছেন। এবং লোকসভায় কংগ্রেসের নেতা মলিকার্জুন খাড়গে এক বিবৃতিতে বলেছেন, জাতি গঠনে প্রাক্তন রাষ্ট্রপতির অবদান স্মরণীয় হয়ে থাকবে। ১৯৩৫ সালের ১১ই ডিসেম্বর প্রণব মুখোপাধ্যায় জন্মগ্রহণ করেন। দেশের ত্রয়োদশ রাষ্ট্রপতি হিসেবে এবং তিনি কেন্দ্রীয় মন্ত্রীসভার বহু গুরুত্বপূর্ণ পদে তিনি কাজ করেছেন। সমাজ জীবনে তার অসাধারণ কাজের স্বীকৃতিতে তাকে ভারতরত্ন সম্মানে ভূষিত করা হয়েছে।

○○○○○○○○○○○○○○○○○○○○○○○○○○○○○○○○○○○○○○

টি -২০ ক্রিকেট সিরিজের দ্বিতীয় ম্যাচে ভারত আজ দক্ষিণ আফ্রিকার মুখোমুখি হবে। নিউ চন্ডিগড়ের মুলানপুরের মহারাজা যাদবেন্দ্র সিং আন্তর্জাতিক ক্রিকেট স্টেডিয়ামে খেলা শুরু হবে সন্ধ্যা সাতটায়।

একদিনের সিরিজ জয়ের পর কটকে ভারত তাদের প্রথম ম্যাচে দক্ষিণ আফ্রিকাকে ১০১ রানে হারিয়ে পাঁচ ম্যাচের টি-২০ সিরিজে ১-০ তে এগিয়ে রয়েছে। এই প্রথম পুরুষদের আন্তর্জাতিক ক্রিকেট ম্যাচ এই মাঠে হচ্ছে।

ভারতীয় দলে প্রথম একাদশে পরিবর্তনের সম্ভাবনা কম। দক্ষিণ আফ্রিকা দলে পরিবর্তন হতে পারে।

○○

oooooooooooooooooooooooooooooooo